

70 ёшдан ошган кишиларга умра қилишга рухсат берилди



15:59 / 01.10.2021 1866

Саудия Арабистони Ҳаж ва умра ишлари вазирлиги 70 ёшдан катта кишиларнинг умра амалларини бажариши учун махсус илова орқали рухсат бериш тартибини маъқуллади. Бу ҳақда tass.ru манбасига таяниб, azon.uz сайти хабар берди.

Рухсат олиш учун эса коронавирусга қарши вакцинанинг ҳар икки дозасини олган бўлиш керак.

Шунингдек, 12-17 ёш оралиғида бўлган ва коронавирусга қарши эмланган болалар ҳам ҳаж ва умра амалларини адо этишлари мумкин бўлади.

Шу пайтгача бундай имконият фақатгина 18-70 ёш оралиғида бўлганларга берилаётган эди. Коронавирусдан тuzалган, бироқ ҳали вакцина олишга улгурмаганлар ҳам умра қилиши мумкин.

Коронавирус пандемияси туфайли Саудия Арабистони умра сафарларини бир неча ойга тўхтатиб қўйган эди. Аввалига мамлакат фуқароларининг, ўтган йилнинг 1 ноябридан эса хорижликларнинг умра қилишига рухсат берилди.